

KORNIZA AFATMESME E SHPENZIMEVE E AKADEMISË SË SHKENCAVE DHE TË ARTEVE TË KOSOVËS (2015-2017)

Misioni

Misioni i Akademisë së Shkencave dhe të Arteve të Kosovës (ASHAK) është organizimi, zhvillimi, nxitja dhe bashkërenditja e veprimtarisë shkencore dhe e krijimtarisë artistike në seksione, në bërthama të studimit, në njësi shkencore dhe artistike dhe në qendra studimore dhe hulumtuese.

Situata aktuale

Gjatë vitit 2013 është punuar në këto projekte: *Fjalori Enciklopedik i Kosovës* (projekt afatmesëm), janë mbajtur takimet e parapara të *Këshillit Ndërrakademik për Gjuhën Shqipe* (projekt afatgjatë), ka filluar puna dhe është punuar mjaft rreth projektit afatgjatë *Shqipja e shkruar në Kosovë në shekullin XX*, përgatitja e *Veprës së plotë e Norbert Joklit* ka përfunduar dhe gjatë vitit 2014 pritet botimi i saj. Projektet *Klima dhe parametrat projektues për qytetet kryesore të Kosovës dhe Shqipërisë* dhe *Ndikimi i mbitensioneve atmosferike në sistemet elektroenergjetike të Kosovës* vazhdojnë me punë, ndërsa te projekti *Identifikimi i ndotësve të efluentëve të ujërave urbane dhe të industrisë dhe trajtimi i tyre*, ka përfunduar faza e parë. Sa i përket projektit *Inventarizimi i virozëve dhe shëndetësimi i materialit të specieve frutore dhe vreshtave në Kosovë dhe Shqipëri*, puna ka përfunduar.

Poashtu gjatë viti 2013 janë botuar këto vepra: *Monografia Kosova*-versioni anglisht, *Vepra e Plotë e Ali Podrimjes*, *Ndikimi i Anglishtes në Gjuhën Shqipe*, *Utopia Letrare*, *Të menduarit dhe të Shkruarit Juridik*, *Lugina e Preshevës*, *Uvertura Solemne*, *Tahir Emra-Monografi*, *Revistat Studime 19*, *Kërkime 20*, si dhe *Vjetari 2012*.

Akademia ka organizuar edhe një varg aktivitetesh të parapara me Programin e punës për vitin 2013, si: Konferencën Shkencore *Energjetika dhe Mjedisi për Zhvillim të Qëndrueshëm*, si dhe tryezat shkencore: *Letërsia Shqipe në Shkrimet Enciklopedike*, *Depërtimi dhe Përshtatja e Huazimeve Angleze në Gjuhën Shqipe*, *Punësimi në kontekstin zhvillimor dhe integruet të Kosovës*.

Njëherit gjatë vitit janë mbajtur edhe Ligjërata inauguruese të anëtarëve të rinj të Akademisë.

Nga fillimi i vitit 2014 e deri më tani është botuar *Fjalësi i Zërave të Fjalori Enciklopedik të Kosovës*, si dhe janë përgatitur për botim veprat: *Ndarja Administrativo-Territoriale e Kosovës 1944-2010*, *Kërkime dhe studime arkeologjike 2000-2012*, *Vepra Korale*, si dhe *Revista Studime nr. 20*. Deri në fund të vitit parashihet botimi i veprave që janë pjesë e Programit të punës për vitin 2014.

Buxheti i Akademisë ka shënuar rritje dhe falë kësaj janë realizuar me sukses punët e parapara rreth *Fjalorit Enciklopedik të Kosovës*, në kuadër të projektit *Enciklopedia e Kosovës*.

Objektivat

Në kuadër të misionit të saj Akademia e Shkencave dhe e Arteve e Kosovës në periudhën afatmesme planifikon të realizojë këto objektiva:

1. Realizimi i projektit *Fjalori Enciklopedik* në kuadër të projektit *Enciklopedia e Kosovës*, (projekt afatgjatë).
2. Veprimtaria botuese e Akademisë (botimi i rezultateve të studimeve shkencore);
3. Veprimtaria afatgjate e *Këshillit Ndërkademiq për Gjuhën Shqipe* (në bashkëpunim me Akademinë e Shkencave të Shqipërisë);

Objektivi i parë synon zhvillimin e projektit *Fjalori Enciklopedik* në kuadër të projektit *Enciklopedia e Kosovës* (projekt afatgjatë). Gjatë vitit 2013 ka përfunduar *Fjalësi i zërave* dhe është finalizuar faza e parë e këtij projekti. Fjalësi përfundimtar i *Fjalorit Enciklopedik të Kosovës* përfshin rreth 5900 zëra. Realizimi i këtij objektivi, sipas Programit të punës së ASHAK-ut, planifikohet të realizohet përmes këtyre aktiviteteve:

- Hartimi i zërave të *Fjalorit Enciklopedik* (rreth 5900 zëra);
- Pajisjen në vazhdimësi me mjete pune të Qendrës Leksikografike Enciklopedike (brenda së cilës është duke u realizuar Projekti i Enciklopedisë).

Objektivi i dytë synon realizimin e veprimtarisë botuese të ASHAK-ut të paraparë me Programin e punës. Viteve në vijim parashihet rritja e numrit të botimeve shkencore dhe artistike, meqë është shtuar numri i anëtarëve të Akademisë. E gjitha do të realizohet përmes botimit të rezultateve të studimeve shkencore.

Objektivi i tretë synon realizimin e Projektit të *Këshillit Ndërkademiq për Gjuhën Shqipe* (veprimtari afatgjate) dhe pritet të realizohet përmes aktiviteteve si më poshtë:

- Konferencave shkencore
- Takimeve të vazhdueshme të anëtarëve të Këshillit
- Simpoziumeve shkencore.

Tabela 1: Historiku dhe shpenzimet bazë 2015-2017

ASHAK	2012	2013	2014	2015	2016	2017
shpenzimi sipas programit						
Totali	774,174	1,044,677	1,126,000	1,052,500	1,052,500	1,052,500
Akademia e Shkencave dhe e Arteve	774,174	1,044,677	1,126,000	1,052,500	1,052,500	1,052,500
Numri i stafit	55	55	55	55	55	55
Totali i programi të ASHAK-ut	774,174	1,044,677	1,146,500	1,052,500	1,052,500	1,052,500
Paga dhe mëditje	459,392	613,281	636,000	636,000	636,000	636,000
Mallra dhe shërbime	284,964	423,049	480,000	411,500	411,500	411,500
Shpenzime komunale	6,837	4,369	10,000	5,000	5,000	5,000
Subvencione dhe Transfere	-	-	-	-	-	-
Shpenzime kapitale	22,980	-	-	-	-	-
Donacioni	-	3,978	20,500	-	-	-
Numri i stafit	55	55	55	55	55	55
Shpenzimet sipas burimeve të financimit						
Totali	774,174	1,044,677	1,146,500	1,052,500	1,052,500	1,052,500
Grantet qeveritare	774,174	1,040,700	1,126,000	1,052,500	1,052,500	1,052,500
Te hyrat vetanake	-	-	-	-	-	-
Huamarrja	-	-	-	-	-	-
Donacionet	-	3,978	20,500	-	-	-

Performanca kyçe

Akademia e Shkencave dhe e Arteve e Kosovës synon realizimin e suksesshëm të Konferencave shkencore në fushën e Gjuhësisë dhe të Letërsisë, në fushën e Shkencave Shoqërore, në fushën e Shkencave të Natyrës, dhe në fushën e Arteve, rezultatet e të cilave do të botohen në botime të veçanta. Po ashtu Seksionet shkencore të Akademisë në bashkërenditje të fuqishme përcaktohen për botimin e librave origjinale nga fushat e ndryshme të dijes.

Akademia e Shkencave dhe e Arteve e Kosovës, po ashtu, synon edhe nxitjen e krijimtarisë shkencore dhe të asaj hulumtuese. Bashkëpunimi me Akademinë Evropiane dhe Federatën e Akademive Evropiane (ALLEA) si dhe të Akademive në rajon e më gjerë kontribuon fuqishëm në promovimin e shkencës dhe të shkencëtarëve kosovarë.